

ԱԶԱՏ ՀԱՄԲԱՐՅԱՆ

Հայ պատմագիտությունը ծանր կորուստ կրեց: Կյանքի 77-րդ տարում վախճանվեց արևմտահայ ազատագրական շարժումների և ազրարային հարաբերությունների պատմության նշանավոր հետազոտող, ՀՀ ԳԱԱ թղթակից անդամ, ՀՀ ԳԱԱ պատմության ինստիտուտի նոր պատմության բաժնի վարիչ, պատմական գիտությունների դոկտոր, պրոֆեսոր Ազատ Սարգսի Համբարյանը:



Ա. Համբարյանը ծնվել է 1926 թ. հունիսի 8-ին, Վրաստանի Հանրապետության Նինոծմինգայի (Բոգզանովկա) շրջանի Սաթխա գյուղում: 1942 թ. Ա. Համբարյանը գերազանցությամբ ավարտում է Գյումրիի մանկավարժական ինստիտուտի պատմության ֆակուլտետը և աշխատանքի ընդունվում նույն ինստիտուտում: 1953 թ. նա ավարտում է ԽՍՀՄ ԳԱ պատմության ինստիտուտի Լենինգրադի բաժանմունքի ասպիրանտուրան և նույն թվականին պաշտպանում իր թեկնածուական ատենախոսությունը: Այդ ժամանակաշրջանից մինչև կյանքի վերջը Ա. Համբարյանի գործունեությունը կապվում է ՀՀ ԳԱԱ սլատմության ինստիտուտի հետ: 1980 թ. նա դե-

կավարտում է նոր գարի պատմության բաժինը: 1966 թ. Ա. Համբարյանը հաջողությամբ պաշտպանել է իր դոկտորական ատենախոսությունը:

Հայն ու ընդգրկվում է Ա. Համբարյանի գիտական հետաքրքրությունների շրջանակը: Նա հիմնավորապես ուսումնասիրեց Արևելյան Հայաստանի տնտեսության սլատմությունը, սկզբնաղբյուրների հարուստ նյութերի հիման վրա վեր հանեց Արևելյան Հայաստանի տնտեսական զարգացման ընդհանրություններն ու առանձնահատկությունները: Նա առաջիններից էր, որ ձեռնամուխ եղավ Արևմտյան Հայաստանի պատմության լուսաբանմանը: Արևմտյան Հայաստանի հողային հարաբերություններին նվիրված նրա մենագրությունն արևմտահայ գյուղացիության պատմության հանրագիտարանն է:

Ա. Համբարյանի ուսումնասիրություններում առանձնանում է արևմտահայ ազատագրական շարժումների պատմության հիմնահարցերի լուսաբանումը, որոնց նա նվիրեց մի շարք աշխատություններ: Ա. Համբարյանը քննության առավ ազգային-ազատագրական շարժումների

նկատմամբ Հայ Հասարակական Հոսանքների ու ազդային կուսակցությունների դիրքորոշումը: Նրա ուշադրությունից չեն վրիպել այլ բնագավառները՝ ժողովրդագրությունը, սոցիալական տերմինաբանությունը և ուրիշ հիմնահարցեր:

Ա. Համբարյանը զդպի ներդրում ունի Հայ ժողովրդի պատմության ակադեմիական բազմահատորյակի 6-րդ հատորի պատրաստման դործում:

Հայ պատմագիտության մեջ իր ներդրած ավանդի համար Ա. Համբարյանը ընտրվել է ՀՀ ԳԱԱ թղթակից անդամ:

Նշանակալից է Ա. Համբարյանի ներդրումը երիտասարդ պատմաբանների պատրաստման ասպարեղում: Նրա ղեկավարությամբ պաշտպանվել են դոկտորական ու թեկնածուական ատենախոսություններ: Ա. Համբարյանը երկար տարիներ դասախոսական աշխատանք է կատարել Հանրապետության բուհերում:

Նշանավոր դիտնականի, անաչառ ու սկզբունքային մարդու կերպար միշտ վառ կմնա նրա գործընկերների, աշակերտների ու ճանաչողների սրտերում:

ՀՀ ԳԱԱ պատմության ինստիտուտ

